

# اسلام گزینی

معارف : « دینی برضیات ، حیاتی بر دینہ » در .

پہلے ۱ - حیاتی ۱۰ ۲۴ رجب ۱۳۳۲  
۵ حیران ۱۳۳۰ مدیری : حلیم ثابت

ایدهن ( بن ) المذن کلدیکی قادار — اومنابع قدسیه دن استفاضه ایدیزک — دینی  
بردستور اخلاق وجوده گه تیرمک ایسته نورم ؛ ایله ری دوغری دوام ایده حکم .  
توفیق اولو تا کریمدن . . .

قونیہ دارالمعالیم منبری

احمد نسیم

## اسلام هواوی

تورکستان :

تورکستانه مدرسه لریمه روسجه — عموم تورکستان معارف منبری (طاشکند)  
شهرنده کی مدرسه لریک مدرسلرینه فیما بعد مدارس مذکورده علوم معلومه دن بشقه  
روسجه نیک تدریس ایدلمی حقنده تحریرات کوندرمش ایدی . (ایشان قولی) ، (دادخواه)  
( بکریکی ) مدرسلری مدرسلری روس لسانک تدریسه موافقت ایله کارندن ، فیما بعد  
لسان مذکورک تدریسه مباشرت اولونمشدر . مذکور مدرسه لرده کی روس لسانی معلملری  
معاشی ده خزینه حکومتدن تخصیص ایدلمشدر .

اتفاقه مسلمین تجارت شرکتی — ( طاشکند ) تورکلری اغنیاستدن ناجی  
خواجه ، محی الدین خواجه ، ایشان خان ، خواجه طورسون ، میر حمید ، میرزا کریم  
بای اندیجان شهرنده « اتفاق مسلمین » نامنده بویوک برتجارت شرکتی تأسیس ایدوب  
معامله رسمیه نی یاپدیرمشلردر . بو اسلام شرکتی لوازم زجاجیه ، ادوات حدیدیه ،  
عطریات وسائر امتعه ایله اجرای تجارت ایده جکدر . مذکور شرکت ، تورکستان  
اسلاملری ایچون بارلاق وشایان امثال بر نمونه اولمی نئی اولور . الله یارد بیلری اولسون .

بخارایه اعمارات — بخارا امیری ، پای تحت جوارنده کی سازنقلری قوروتیق  
ایچون دوت یوز بیک روبله تخصیص ایله مشدر .

شال :

اورنبورغده اسلام انات مطابی — اورنبورغده تأسیس ایدیلن اتانه مخصوص  
اوچ اسلام مکتبه روسجه درسلری قبول ایدیلهرک ، بو اوچ مکتب رسماً معارف  
مفتلکنه تصدیق ایتدیرلشدور . فی الواقع روسجه نیک درس اوله رق قبولیه انات مکتبلری  
تصدیق رسمییه اقتران ایله مش ایده دیکر طرفدن روسجه معلملرینه معاش تخصیصندن  
طولانی مکتبلرک بودجه موازنه سی غائب اولمشدر . بناء علیه معلملر معاشاته معاونت  
ایتمی ایچون شهر اداره نه مراجعت ایدلمشدر .

قرآنه طبیعی مسئله سی — روسیه ده قرآن کریمک ، دائرة شرعیه نیک تحت

مراقبه سنده اولیه رقی روس مطبعه لری طرفندن طبع ایدلسندن طولانی برچوق خطالی نسخه لری انتشاری مناسبیه ( ادفا ) مفتیسی روسیه داخلیه نظارتنه مراجعت ایدوب فیابده قرآن کریمک طبیی صلاحیتک هیئت شرعیه ویرلسنی طلب ایله من ایسه ده طلب واقع مذکور نظارت طرفندن رد ایدلشدر .

قازاق تورک لریک معارف رغبتی — پتربورغ غتره لریک اعطا ایله دیکی معلوماته نظراً تورکستانک طاشکند وچکتند سنجاقلرنده ساکن قازاق تورک لری طرفندن لسان تدریس توزیکه وروسجه اولقی اوزره اولکندن زیاده مکاتب آجیلهمسی حقنده برچوق استرحامات و مراجعات وارد اولدیقتدن ، روسیه حکومتی قازاق لریک استرحاماتی قبوله قرار ویرمیشدر .

روسیه ده تبدیل دین مسئلسی — روسیه مجلس مبعوثانی دین انجمنده تبدیل دین و مذهب لایحه قانونیه سی تدقیق ایدلدیکی زمان ، روسیه ده هر دزو خرستیان مذهبلرندن چیقوب ، خرستیان اولیان دینلره ، مثلا اسلامیت و موسویته دخوله مساعدیه ایدلسنی خصوصی آرایه وضع ایدلش و ۱۱ رأیه قارشی ۱۲ ایله قبول ایدلشدر . آلمان و له اعضاء اون یدی یاشنه بالغ اولانلره قارشی تبدیل دین و مذهبه مساعدیه ایدلسنی حقنده بر ماده مخصوصه تکلیف ایشلدردر .

#### داغستان :

داغستانده انقیاء — داغستانده واقع ( دربند ) شهرندن وارد اولان خبرلره کوره ( بالاما ) استاسیوننده مسلمان تاجرلرندن و ملت پروراتدن اولان ( حاجی جواد ولی بکوف ) که اقامتگاهنده علما و تجار محلیه دن مرکب بر مجلس تشکیل ایدلرک ، مذکور مجلسده داغستانک بالجمله اشراف ، علما و فقهها و معارف پروردلری اجتماع و تیناً موله شریف نبویک قرأتندن سوکره آتیده کی مقرراتی اتخاذ ایشلدردر :

( ۱ ) داغستانک هر قریه و قصبه سنده ذکور و اناته دارالتربیه و مکتبلر احداثیه ، طلبه لره مخصوص پانیونلر کشادی .

( ۲ ) توزیکه وروسجه لسانلریک تدریسیه ، علوم ریاضیه نک مکتب طلبه لریه لایقیه تدریس و علوم دینییه نک ده حشو و زائددن آزاده بر صورتده مکتب مداومینه تعلیمی .

( ۳ ) ایلروده مکاتب اسلامیه یه لازم اوله جق معلملریک یقشدیرلسیچون شیبیدیدن بردارالمعلمین و دارالمعلمات احداثیه ، مذکور مؤسسه نک انشاسی .

( ۴ ) باکو شهرنده اولدینی کبی منور و متفکر طبقه یه مخصوص اولقی اوزره برقلوب تأسیسی .

( ۵ ) افکار عمومی اسلامیه یی تنویر ایچون ، سیاسی و علمی برز مجموعه نشری .

( ۶ ) زکات اموالی قبض ایچون علمدن مرکب بر مجلسک عتدیه آلان زکاتک معارف و مدارسه ، مساجد و مؤسسات دینییه صرفیه لازم کلن برلرده جوامعک انشاسی .

( ۷ ) وصیت موجبجه اغنیای مسلمین طرفندن ترک و تبرع اولنان اموال و عقار حاصلاتک معارف و احتیاجات مبرمه اسلامیه یه صرفی .

( ۸ ) نکاح و دوکون مراسمنده اولجه عرفی عادت اتخاذ اولان مبالغ کثیره دن

صرف نظر ایدلسیه تاریخ مذکور دن اعتباراً باکو قیزلره یوزر و طول قادیلره قورق بنات مهر اعطاسی .

(۹) دو کونلر دہ چالنی چالقی و فضلہ پارہ صرفندن اجتناب ایدلسی .  
(۱۰) علنی صورتدہ شرعہ مخالف اولان منہیاتی اجرا ایدنلرلہ سائر مسلمانلرک علاقہ لریک کیامسنہ چالیشسی .

(۱۱) رشوت ارتکاب ایدنلر ، یلان یرہ آند ایچنلر ، زکاتی منع ایدنلر ، سار مناهیدہ بولنانلرلہ ہر درلو علاقہک مسلمانلر طرفندن کیلمسی لزومی .

(۱۲) امر بالمعروف ونہی عن المنکر دہ بولونقی اوزرہ حرقصبہ دہ واعظ و خطیبلر تعینتی .  
بالادہ کی موادک شریعت اسلامیہ بہ موافقی و مقارن اولدیغنه دائر بالجامہ داغستان علماسی طرفندن فتوالر ویرلش و مذکور قرارلر ، اکثریت مطلقہ ابلہ حضار طرفندن تصدیق و امضا ایدلشدہ . بوخیلی قرارلری کمال صمیمیتہ آلتیشلار و بالجامہ داغستانلی دین قارداشلریمیزک تشبہات دیندارانہ لرنده موافقی اولمیرینی تمنی ایلرز .

ایران :

ایرانہ شامعی روزرا مجلسی — وزرا مجلسک مذاکراتہ ایران شاہی حضرتلری دوام ایلکدہ و امور مملکت حقندہ ویریلن قرارلری استماع ایلہا کتاب تجربہ و معلومات ایلکدہ درلر .

روس قازاقلریک فہرست لعلری — ایران شامی دہ کاشی مرقد قصبہ سندہ روس قازاقلری کیجہ وقتی چارشودہ کی دکانلرک قفلرینی قیروب درلو درلو اموال سرقتہ تعدی ایتلردہ . برکیجہ مذکور قازاقلردن ایکسی یاقہ بی الہ و یروب ، بوآنہ قدر ایدیلن سرقتلرک فاعللری اولدقلری تبین ایلشدہ .

روسلرک اصفہانہ کی نفوزلری — ایران قاپینہ سی طرفندن اصفہان والیلکنہ تعین اولنان صہمام السلطنہک مأموریتہ روسلر اعتراض ایدیورلر . یکی والی ، ایران و آتایا دولتی آرہ سندہ کی مناسباتک ایلر و کیتنہ طرفدار بولندیغندن روسلرک عدم خوشنودیسی جلب ایتلشدہ . اصفہانہ کی مالہ مأموری اولان بربلیچقالی دخی روسلرک طرفدار ی اولدینی جہتہ یکی والی بہ صرفیات خصوصندہ مشکلات کوسترمکدہ در .  
افغانستان :

افغانستانہ امیری و مشہورعات — امیر حبیب اللہ خان حضرتلری ، تورکچہ و عربچہ غزنیہ لریک محتویات مفیدہ لرینی ( سراج الاخبار ) — کابلہ اون بش کوندہ فارسی لسانیہ انتشار ایدن نفیس کاغذلی ، مصور بر مجموعہ در — غزنیہ سندہ درج ایدلیچون مذکور غزنیہ تورکچہ و عربچہ مترجمک استخدانی ارادہ بیورمشلردہ .

ژاپونیا :

ژاپونہ قاپینہ سندہ بر مسلمانہ اعضا — ژاپن یادہ بولونان مسلمانلر ، حال حاضر دہ کی ژاپون قاپینہ سندہ بر مسلمان ناظرک تعینتی حکومتدن طلب ایتلردہ . ژاپون حکومتی دہ اسلام تبعہک کوکلرینی باقمی اینچون مسلمانلرک مطالبات محتہ لرینی سمع اعتبارہ آلہرق برینک نامزد کوسترمیرینی جواباً مسلمانلرہ بیلدیرمشدر ،